

Bóthar an Choirnéil Máirtín – seanbhóthar a bhí idir an Fhaithe, áit a raibh an teach mór ag Máirtín, agus Uachtar Ard sa naoú haois déag. Thóg sé cúig bhliana an bóthar, a déanadh as an gcriathrach, a dhéanamh, agus ba iad na tionóntaí a bhí ag déanamh na hoibre. Bhí an bóthar sách maith do charr agus capall

Bóithrín an Bhealaigh Mhóir – sa nGleann Mór, agus tá sé ag dul siar go dtí an áit ina mbíodh lorg Bhóthar an Choirnéil Máirtín. B'fhéidir gurb é sin an fáth ar tugadh an t-ainm sin air

Bóithrín Bheairtín – idir Doire Fhearta Beag agus an Sruthán. Bhíodh fear darbh ainm Beairtín ina chónaí ag ceann an bhóithrín

Bóithrín na nAsal – ag dul ó Dhoire Fhearta go dtí an cladach, go Céibh Chaislín. Bhíodh asail ag tarraingt móna siar chuig an gcladach le cur ar bháid a bhí ag dul go Co. an Chláir agus Árann

Bóthar Lang – an seanainm a bhí ar Bhóthar an Tuairín. Lang an t-ainm a bhí ar an bhfear a bhí os cionn na hoibre

An Bóthar Géar – an seanainm a bhí ar Bhóthar an Dóilín. Bhíodh go leor cloch le goib ghéara ar an mbóthar

Bóithrín na gCorp – bóithrín a dtugtaí na coirp síos go Reilig Bharr an Doire

Foinsí:

Logainmneacha agus Patrún Lonnaíochta ar an gCeathrú Rua, Eileen Nic Dhonncha